




詩

詞

詩  
卷  
下





寄零州

七言古  
目錄







海  
文  
子



奇零州

七言古

舟行癸巳

乘舴艋載餘艍。搥鉦過鼓走風樯。滿船兒郎抹額黃。  
 人言若輩真鷹揚。飢則攫人飽則颺。江村鷄犬絕鳴  
 吠。老稚吞聲泣道旁。替我餅中粟。使我朝無糧。斲我  
 機上筭。使我暮無裳。我亦遺民事。耕織當身不幸見。  
 滄桑入海畏蛟龍。登山多虎狼。官軍信武何不恢。城  
 邑願輸夏稅。貢秋糧。





寄紀石青

憶昔公車歲在午太乙飛精挂河鼓閩南紀生豈其  
儔搏風遂奪吳剛斧余亦持鋒起越中謬于文章稱  
跋扈乾坤排盪會有人日月沉淪忽無主言也左袒  
一奮呼五千甲盾色如土斯時寓縣望漢官君獨躬  
耕吟果父終縻不棄意何深賈組長擐節殊苦迨余  
收燼赤堇山錫涸銅乾抑何補低眉始作下邳遊屈  
指誰向中宵舞短衣皂帽乍相逢濁酒素筍安足數  
元理能令萬象開鴻文直並三墳吐別來國步尚滄

桑藉甚衿期在幹蠶聞君曳履近夔龍笑余衮衣逐  
熊虎寂寂温劉竟屬誰悠悠絳灌徒為伍甌越玄雲  
自卷舒句吳落月空分割何時功成歸去來重與樽  
前說破虜

楊芳生以徐閣公高弟浮海來晤予于東甌爰

贈一章

楊生美鬢白接羅來自雲間映少微自言年少曾問  
奇南州高士則我師南州迨之不可極且去扶藜  
看山色永嘉山水稱妙絕君獨掉頭嗔耳食既擬雁



宥構虹橋復怪龍  
湫剪鮫綃着履扶筇何太苦  
丹崖翠嶂枉相招  
古人相馬惟相骨  
君今看此但看家  
想君胸中自有五城十二樓  
安用嘔舞而飛之  
突兀楊生能酒復能基  
不辨賢聖與雄雌  
左手一柶右一卮  
掀鬚大喙呼兵機  
兵初無過古遁甲  
君已稍知涉躡  
願君持此覓封侯  
男兒豈肯長彈缺  
君家子雲太糊塗  
那曉春陵赤伏符  
今君不向玄亭老  
差勝當年莽大夫

閩南行

閩南自古龍蛇孽  
犬羊闖入為窟宅  
元公仗鉞起海東  
劍躍蜿蜒弓霹靂  
一戰築京觀再戰解推結  
三戰合圍漳州城  
萬灶星羅盡樹柵  
是役也彈丸小醜尚陸果登陴  
不畏河魚疾回看百雉早懸燈  
照耀闔閩光為赤城頭  
刁斗寂不聞惟聞死敵動  
簞築我軍斲睡敵如雷  
戰馬高嘶待橫擊  
平明兩軍仍相持  
似惜人命膏鋒鏑  
嗟、狡虜何其愚  
奚不肉袒轅門行  
自絕憶昔秋深胡馬肥  
燒荒獵火天成血  
索馱九陌撫銅馱  
指顧中原少堅壁  
不數年間殺運回  
漢人復熾



胡人滅區、阱獸與金魚天戈所指應無敵  
多酋獲或獻俘或獻馘此時龍戰血玄黃  
功成誰念海中瘡兵家奇正鮮嘗形頓軍  
堅城豈善策試籌遁甲探陰符大武何嘗  
窮矢石

### 長鯨行

南海長鯨何橫絕吞吐波濤噴日月鼓鬣  
俄成赤羽旗批鱗却變黃金穴初依海市  
現樓臺旋上天闕守宮闕天狼忽從西北  
來旗為蚩尤鞭為字長鯨稽首稱波臣玉  
皇青案皆羶羯希恩豈望鳳凰池論功敢

乞蛟螭窟那識狼心最不仁組繫長鯨離  
溟渤跳果寧復昔睚眦涸轍應憐舊饕餮  
長鯨有子類龍種起伐灵鬣震列缺銀河  
朝犯織女機珠浦夜泣鮫人血天狼跋扈  
還叱嗟僉謂鯨鯢本遺孽跡厲山頭貳負  
尸鍾離村內專車骨殘魂幾處聽蒲牢遺  
醢何年化彭越嗟、長鯨爾何愚如彼異類  
空屈節神龍不且且貪狼決目屠腸坐自  
滅昨夜星躔孤矢明却喜櫂槍影欲没天  
狼天狼莫漫驕海宇會有真龍出

歲在戊戌余行年已三十九矣撫時感事遂以



名篇

人生百歲安得有我今州、三十九猶憶中原蕩赤  
風結束辭家歲在酉銀魚嘗挂鉄衲襠金馬長懸玉  
匕首江東宿氣歛蕭條純鈞羞澀沉槍朽縱橫露布  
浪飛出突兀星莽犯斗風雲縮胸帝應嗔日月膏  
育鬼亦吼丈夫意氣豈勳名何況文章等舅<sub>狗</sub>犯頭顱  
如許可奈何慷慨悲歌還自詬太史公牛馬走鯨涎  
鮫沫日攢眉虎符龍節憑誰手挪揄齧齧里中兒纍  
纍黃金窈佩肘帶礪山河安在哉五侯空縮龜紋鈕

自昔英雄多妙年隆中圯上相先後如彼南陽鄧仲  
華丹青獨畫雲臺右其人鬚眉尚宛然咄咄微軀真  
敵帝古來何代無癡興雌伏雄飛更某、上不為富  
春潭畔羊裘翁下即為山中宰相天子友不見故侯  
原上爪請看徵士門前柳誰能出處兩無憑躑躅干  
秋笑雞口莫論兵且飲酒令人爭羨古人賢後人亦  
羨今人否。

鴻門歌

項王怒漢王畏鴻門宴罷鴻濶潰漢人喜楚人恚玉



玦謀空玉斗碎重瞳隆準兩英雄天意有興必有廢  
成豈噲也一羸肩敗或亞夫疽在背不殺沛公豈云  
悞此事却有伯王度當時長者號漢王俎上老翁不  
相顧既無父子况君臣三軍縞素為何人

賦贈琴師

入夏園林長新綠小庭疏雨黃梅熟主賓雜坐觴數  
巡清言元論驅煩煥座中有客伯牙儔起撫瑤琴弄  
寒玉初彈秋意滿瀟湘再彈忽唱陽關曲揮絃振軫  
轉繁音往宦來雲節更促我聞瀟湘烟景自蒼涼泪

痕斑斑猶在竹得君譜入龍門桐無數離情紛相觸  
况復驅歌纖指間羈人聽之淚盈掬願君翻作洞越  
教莫怨孤鴻典寡鵠君不見少文動操響衆山又不  
見中散絕唱廣陵寒窳、千載同調難今遇知音為  
一彈

滙洲行

自從錢塘怒濤竭會稽之栖多緞翮甬東百戶古滙  
洲居然天塹高碣石青雀黃龍似列屏蛟螭不敢波  
間鳴虎鬚爭如秦婦女魚旄半是漢公卿五六年間



風雲變帝子南回開宮殿  
繇來澤國仗樓船  
烏鬼漁人都不賤  
堂怡穴闢幾經秋  
胡來飲馬滄海流  
共言滄海難飛越  
况乃北馬非南舟  
東風偏共胡兒便  
一夜輕帆落奔電  
南軍鼓死將軍禽  
從此兩軍罷水戰  
孤城聞警早登陴  
萬騎疊城、欲夷砲散如雷  
矢如雨城頭甲士早瘡痍  
雲梯百道凌霄起  
四顧援師無  
螻蟻裹創奮呼外  
定兒誓死痛哭良家子  
斯時帝子在行間  
吳淞渡口凱歌還  
誰知勝敗無常勢  
明朝聞已破岩關  
又聞卷戰戈  
倒旌闔城草、塗肝腦  
忠且

盡瘞伯夷山義士  
悉到田橫島  
亦有人自重圍來  
何余細說令人哀  
柎墜玉葉填胥井  
甲第珠璣掩劫灰  
而今人民已非况  
城郭髑髏跳號寧  
復肉土花新蝕  
遺鏃黃石苔  
早锈缺斨綠  
嗚呼聞誰橫  
驅鉄衲襠翻  
今漢土剪龍荒  
安得一劍掃天狼  
重酌柎漿慰國殤

苦雨吟

高穀八月何勃窣  
破雨兼旬復泥滑  
魚腸寂寞生紫  
鱗  
鵠首依稀長綠髮  
榜人停橈且卧蓑  
天公倘或倒  
銀河萬里陰霾猶未掃  
霄漢飛騰奈我何



壽鯢洲張相國

扶桑之國蓬萊鄉日月所胎生氣長遙與九峰三泖  
接神仙窟宅天地房乃有格人降箕宿兵甲羅胸腸  
篆籀見鳥先從闕下飛雁冠獨閉殿中驟天右膚公  
為洗兵朱旂玄鉞仗南征日轂朝扶辰極正星鉞夜  
掃彗躔平乾坤有待銅馬帝制閫旌旄橫海濟蚩尤  
欲殄夢吹塵背靡震登歌作礪丹心洞達八窓開黃  
髮溫恭萬厦恢謝棋墅上時、賭狄李蹊邊處、我  
先生花甲今復始考擬中書二十四鼎內和羹手自

調烏用金盞與玉豉况對仙山咫尺間徐市曾尋大  
藥還避芥子真丹井在安期醉墨桃花斑卓哉先生  
能壽國鰲柱孤擎挽百六虞淵倒影浴咸池上台含  
曜融寒谷君不見吾家三戟世風流杖履從容燕子  
樓自是綸扉同嗽蔗何須海屋別添筹又不見漢興  
正賴子房策封留高蹈求黃石世間更無却老方不  
朽功名繇史冊宗風千載先生存轉軸旋樞裕後昆  
婆娑好黨朱顏駐園綺衣冠安足論

辛丑秋虜還闕浙沿海居民壬寅春余艤棹海



濱春燕來巢于母有感而作

去年新燕至新巢在大厦今年舊燕來舊巢多敗瓦  
燕語問主人呢喃淚盈把画樑不可望画艦聊相傍  
肅羽恨依栖啣泥歎飄颺自言昨辭秋社歸比來春  
社添恚况一片蘼蕪兵燹紅朱門那得還無恙寂隣  
尋常百姓家荒烟總似烏衣巷君不見晋室中葉亂  
五胡烟火蕭條千里孤春社巢林木空山啼鷓鴣只  
今胡馬仍南牧江村古樹竄鼯鼯萬戶千門徒四壁  
燕來亦隨樁上烏海翁頽燕且太息風簾雨幕胡為

乎

秦吉了

秦吉了生為漢禽死漢鳥塞南塞北越禽飛張望故  
山令人老 載鳴、華音載飛、華王翻折翅垂夷  
敢我侮 生當為鳳友死不作雁奴我自名禽不可  
辱莫待燕婉生胡雛 鳥猶嚇鵲徒啗倉庚空格磔  
哀我不能言起視來禽嘗歎息

泊馬蹄畧戲成

問馬蹄春風陌上走銅鞮誤被秦王驅入海玉



鞍不敢嘶龍媒自是波間種何用天閑錦障泥

其二

問馬蹄骨亦千金志千里追風逐電何處來却與鯨  
鯢聞江水安得飛騰去渥洼依然負圖獻天子

懷王魏兩少司馬徐闇公沈復齋中丞

我思曾上嘉禾島、上衣冠多四皓方瞳綠鬢映蒼  
髯紫芝一曲何縹緲年來滄溟欲生塵烟峰飛聳商  
山道杖履流落似晨星天長地闊令人老南望銅陵  
又一山風飄千尺鯨波間不然擬乘黃雀去去、鱗

洲第幾灣

聞孤鳥有作

孤鳥孤鳥散幅憶風雨中宵我心惻似聞鳥言生不  
石空山寥落無顏色在昔雄飛向九霄金眸玉爪行  
胸臆巢雲曾傍萬年枝擊水寧需六月息風雲蹉跎  
幾星霜宛轉枋榆困枳棘東門鐘鼓為誰觴北海木  
石徒尔塞杜宇漫語不如歸鷓鴣疾呼行不得予口  
辛瘡予尾脩却來山阿一飲啄誰將雉雙宿雙飛誰  
比翼寒枝獨抱月黃昏島樹蒼茫林影黑橫絕四海



會有時敢告羈紲還努力嗟乎此鳥亦非凡寫歌鳳  
舞誰能識但看孤鳥伴孤臣悠悠蒼天曷有極

放歌題于西湖之禁舍

吁嗟兮滄海揚塵兮日月盲神州陸沉兮陵谷崩藐  
孤軍之屹立兮呼癸呼庚予憫此子遺兮遂息机而  
寢兵方壺圓嶠兮聊稅駕以埋名豈神龍之魚服兮  
罹彼豫其之罾余則生中華兮死則大明寸丹為重  
兮七尺為輕惟彼文山兮亦羈紲于燕京黃冠故鄉  
兮非予心之所罄欲慷慨以自裁兮既東傳乎嚴刑


學謝公之絕粒兮奈群喙之相併等鴻毛于一擲兮  
何難設笑而委形憶唐臣之嚼齒兮視鼎鑊其猶水  
念先人之淺土兮忠與孝而無成繫嗣子于牢籠兮  
歎宗祀之云傾已矣夫荀瓊謝玉兮亦有時而凋零  
余之浩氣兮化為風霆余之精魂兮爰為日星尚且  
留網常于萬祀兮垂節義于千齡夫何分孰為國祚  
兮孰為家聲歌以言志兮肯浮慕乎箕子之貞若以  
語夫正氣兮庶無愧乎先生



奇零州

目錄

五言絕句



*[Faint, illegible text visible through the paper from the reverse side of the page.]*



奇零草

五言絕句

海月

海嶠看明月蒼茫練影多不知鄉國夜皓魄復如何

夜泛

秋雲何浚浚影入夜波清倒作銀河看依然星斗橫

舟行望野燒

朔氣何蕭瑟千山落水散征帆殘燒外隱隱見孤城

上巳舟中



不解芳菲節人傳上巳時何須修禊事早是弄濤兒  
讀史

故人即非寒使者殊不薄交滿天下間綈袍何落寞

臨刑口占

我年適五九復逢九月七大厦已不支成仁萬事畢

奇零州

目錄

七言絕句



奇零草

七言絕句

招趙友飲禪院

清酒今朝買百壺  
擬邀佳客醉屠蘇  
玉山到處人看  
爭看可有連城一  
壁無

旅愁

故園花候又辛夷  
夢自惺忪涕自洟  
雁去燕來相笑  
語何年客子是歸期

卜天種晝寢戲成



深秋蕭颯北窓涼一枕羲皇夢亦長試問漆園蝴蝶  
影可曾逆旅開黃涼

和秦淮難女宋蕙湘旅啓韻

獵火橫江鐵騎催六朝鎖鑰一時開玉顏空作琵琶  
怨誰教明妃出塞來

七夕前十日贈人合卷

蘭湯浴罷不勝衣一曲菱歌百兩歸自是合歡憐子  
夜玉山對倚照羅幃

其二

玉窩檀暈自生妍綠幘青鞵正少年恰是雙星銀漢  
渡風流却占一旬前

舟行阻風口號

十載曾經犯斗槎天門昨夜特宣麻垂流只恐排闥  
闖故遣長鯨開浪花

其二

勅水鞭潮勢自雄此身原不畏蛟龍明朝鷓首還東  
指禁得誰搏萬里風

晚泊漫成回文



寒潮晚落半江空  
曉帶群山亂掩紅  
殘角霜聲愁雁  
斷難將送挂一帆風  
風帆一挂送將難  
斷雁愁教霜角殘  
紅掩亂山群帶  
曉空江半落晚潮寒

黃湓謠

妾家生少住黃湓  
亂挽烏雲刻著禪  
九月魚腥湖上  
熟自搖蘭棹過前村

黃湓賈客百金裝  
湓口長年醉宿郎  
聞說江干烽火  
急停橈一曲古襄陽

賦贈東山子端陽禱雨有應

真覺星辰可換移  
端陽豈是亢陽時  
邠風畫出田家  
樂續命何須臂上絲

霹靂車中咒孽龍  
哭輪直欲掩靈窿  
馬鬃一滴濃雲  
黑失却稻花數點紅  
繁露春秋說大雩  
誰憐五日欲無襦  
杯中惟有樂巴  
酒洒作千家攝水符

樅陽謠二首

八尺風帆百丈牽  
樅陽湖裡去如烟  
江南米價秋來



長喜煞桐槽賣稻船  
沿湖下網蕩湖船網內織鱗錦樣鮮燈火湖邊兒女  
笑魚秧種得不須田

讀史

秦鹿橫飛六國殘狐鳴篝火亦登壇留侯若也歸張  
楚更有何人解報韓  
清秋蕭瑟井梧寒在莒齊襄淚未乾七十二城猶在  
望却無烽火是田單

野人餉菊有感

戰罷秋風笑物華野人偏自獻黃花已看鉄骨經霜  
老莫使金心帶雨斜  
柴桑杯酒寄東籬種菊書成在義熙今日風光如昨  
否殷勤且自把花枝  
常言愛菊耐霜威晚節都甘與世違只恐秋深容鬢  
改幾人挿得滿頭歸  
天寒萬木盡悲秋誰殿羣芳聞未休寄語黃花應努  
力須知搖落有黃州

經烏江



楚歌散裡伯圖空  
匹馬歸來勢自雄  
四百年餘炎火  
斷誰知隆準一重瞳  
旌旗垓下亦堪翻  
戰士其如憶故園  
縱向江東收燼  
去應無子弟到中原

過仙洞訪石田出荔枝為供

丹囊朱纈纈亂垂  
壁上蓮生搃不奇  
君自瞿曇我自客  
相逢疑是嶺南時

鹿走弗逐自復戲成

失鹿何曾得鹿期  
重來豈獻牡丹枝  
隍中蕉葉原非

夢為待仙人夾轂隨

寄遠

寒繞荒原映夕峰  
海槎猶阻石尤風  
故園梅信今何似  
可有鴻書雲外通

溪行

扶筇到處見山情  
峰色溪光次第迎  
滿徑莓苔人語靜  
画眉宛轉兩三聲

小立寒林意獨醒  
清泉石竇自泠泠  
撥雲更望前溪去  
樹底飛來一片青



宮詞十首

平明供奉入彤闈  
六舞霓裳唱羽衣  
千騎驂驪知待  
獵擁鞭馳道擁明妃

毳殿春寒乳酪香  
近臣偏得賜新嘗  
老璫不解駝酥  
味猶道天厨舊蔗漿

盤龍小袖稱身裁  
馬上瑤弓抱月開  
太液池邊金彈  
落疑從紫塞射鷗來

弓鞋擁髻儼天魔  
胡女宮粧新樣多  
醉捧官家還笑  
問燕支山色近如何

朝罷瞿曇次第迎  
內庭深處說無生  
不知鸚鵡能胡  
語偷向金籠誦佛名

十部梨園奏尚方  
穹廬天子亦登場  
纏頭豈惜千金  
賞學得吳歆進一觴

上壽稱為合卺尊  
慈寧宮裡爛盈門  
春官昨進新儀  
注大禮恭逢太后婚

掖庭又說冊闕氏  
妙選孀閨足母儀  
枌寢夢回雲雨  
散錯將蝦子作龍兒

六曹章奏委如雲  
特勅新書翻譯聞  
笑殺鍾王多妙



楷而今鳥迹是同文

玉几凭來頽命新  
負辰聞道有家臣  
從今賭却鑽刀  
咒不信華人信滿人

雜感三首

越國年年教習流  
朱旗元甲摠沉浮  
歲星不識今何在  
依舊槐槍挂斗牛

了看江鳥盡流離  
精衛何從借一枝  
最恨蹠林秋祭  
後天驕猶自灼羊脾

平陵疇昔富梧桐  
聞說樵蕪樹已童  
華表亦含千載

恨空傳雀夢到江東

宿官亭被執後作


漫道詩書債未償  
滿身枷鎖夢魂香  
可憐今夜官亭  
月無數清光委路傍

憶西湖

夢裡相逢西子湖  
誰知夢裡恰模糊  
高坡武穆連忠  
肅添得新墳一座無



奇零州  
目錄  
詩餘





奇零

詩餘

長相思中夜聞箏

矣鳳笙彈鴛箏弄入陽關第幾情銅壺滴漏明一  
更更一星星都是商榷與羽聲離人不忍聽

又

品玉笙拍銀箏調月撫雲無限情秋天不肯明幾  
更更幾星星都是鸞榷與石榷羈人和夢聽

長相思秋調



秋山清秋水明午夢驚秋醒未醒乾坤一草亭故  
國盟故園情夜闌斜月透疎櫺孤鴻三四聲

滿江紅

屈指興亡恨南北黃罔消歇更幾箇孤忠大義冰清  
玉烈趙信城邊羌笛兩李陵臺畔胡笳月慘糶糊吹  
出玉闕情殺淒切漢苑露果園雪雙龍遁一鶴滅  
刺逋臣怒擊唾壺皆缺氣象欲通白鳳髓高懷宜飲  
黃羊血試排雲但把捧日心訴金闕

又

蕭瑟風雲埋沒盡英雄本色最髮指馱酥羊酪故宮  
舊闕青山未築祁連冢滄海猶啣精衛血又誰知鐵  
馬也郎當琯弓折誰討賊顏卿檄誰抗虜蘓卿節  
拚三台盪紫九京藏碧燕語呢喃新舊兩雁聲嘹唳  
興亡月惜他年西臺慟哭人淚成血





三



